

唐
音
統
籤

唐籤二道士詩之一

吳筠集一

唐高統籤卷一

九百十

吳筠字貞節華陰人少通經善屬文舉進士不第

入嵩山依潘師正為道士有宗聞其名遣使徵至

待詔翰林所陳皆名教世務間以諷咏帝深重之

天寶中堅求還山尋東游茅山至會稽往來天台

鄉中再享白孔巢父詩篇酬和太曆中卒于越中

弟子私謚為宗玄先生集十卷本傳云筠在翰林

娛高力士素奉佛嘗短之工前因求歸故所著文

賦深談釋氏為通人所誦然詞理宏通文彩煥發

每製一篇人皆傳寫筠沒二十五年御史中丞太

原王顏福其集獻之初閣弟子其詞之請中尤工

今編為三卷

此與國公歌咏于案之弘景怡悅于

白雲奇采逸響琅琅若壓雲瑞而凌倒景
 松喬森然在目近古游方外而言大義者先生
 之壯麗新唐書司馬之稱云與李白相甲乙
 如入夜食飲黃月空香清人心如坐駕衆峯轉
 覺孤舟遠亦稱警句餘概庸而巳何生遂取兩

擬公也

五言古詩一

遊仙詩二十四首

啟冊觀往載搖懷故今情終古已矣舉世何營
 營悟彼衆一作仙奴超然舍一作至精疑神契冲
 玄化服凌太清心同宇宙廣体合雲霞輕翔風吹
 羽蓋慶霄拂霓旌龍駕紫微淡天保一作名堂

如累中士軒冕矜雙榮

晨登平似嶺俯瞰四人居原野開城邑山河分里
閭眇彼埃塵中爭奔競利途有齡寵辱盡萬事皆
為虛自昔無成功安能與爾俱將期駕雲景超然
昇天衢

鸞鳳棲瑤林鵲鵲集平楚飲啄本永一作殊好翱翔

終異所各方道誼篤立節慕高舉解茲區中戀結
彼霄外侶誰謂天路遙感通自無阻

懸俗從遷譌尋仙去淪沒三元有真人再我生道
骨凌晨吸丹景入夜飲黃月百閤彌調暢方寸益

清越棲神合虛無洞覽周恍惚不覺隨玉鑒焚香
詣金闕

西龜初定錄東華已校名三官無遺遺七祖升雲
輶歸奴塵累隔心機玄化昇一朝出天地億載猶
童嬰使我齊浩劫蕭蕭晏玉清

怡神在靈府皎々含清澄仙經不吾欺輕舉信有
徵疇昔希道念而今果天矜豈非陰功著乃致作
驗白日升焉用過洞府吾其越朱陵

骨鍊体弥清鑒明塵已絕恬夷宇宙氛煥朗天光
徹羽服翬烟霄重顏皎冰雪隱符千魔駭鳴玉萬

帝悅遂使區宇中秋氣永淪臧

高真誠寥邈通合不我遺孰謂姑射遠神人可同

嬉結駕從之游飄出天重一作不理人自化神

凝物無疵同知至精感足以和四時

八一作海廣無際三山高不極金臺羅中天羽客

恣游息霞液朝可飲虹芝晚堪食嘯歌自忘心騰

舉寧假翼保壽同三光安能幾一作千億

將過太常宮覽詣扶桑殿真童已相迓為我清宿

霧海若寧洪濤義和止奔馭五雲結層閣八景動

飛輿青霞正可挹丹楹時一過留我宴玉堂歸軒

不全遠

欲超超

一作洞

陽界試覽丹極表赤帝曜火龍炎官

控朱鳥巢我昇絳府長驅出天杪陽靈赫重一作正赫

睥四達何皎々為爾流凱風羣生遂可一作無天

予因詣金母飛蓋超西極遂入素中天停輪太液

側若華拂流影一作景不使白日墜傾儀渡亭午六

合無暝色通化通感遷此理誰能測

朝逾弱水北夕熱鍾山頂顓頊清玄宮禹強掃幽

境燭龍發神曜陰野弥煥炳導達三氣和驅除六

天靜玉樓互相輝烟客何秀穎一舉液霞津千軍

在俄頃

揚蓋造辰極乘烟游閨風上元降玉闥王母開琳
宮天人何濟、高會碧堂中列侍奏雲歌真音謠
太監千軍紫素熟四劫靈瓜豐斯樂異荒譙陶
殊未終

整駕辭五嶽排烟凌九霄紛然太虛中羽旆更相
招且盼蓬壺近誰言崑閬遙悠、竟安適仰赴三
天朝

九龍何蜿蜒、載我昇雲綱臨睨懷旧國風塵混蒼
茫依、遠人蒙去、迎帝鄉上超星夜紀下視日

月光倏已過太微天居煥煌煌

停驂太僕側整服金闕前肅肅承上帝將會羣

仙鴻鈞發靈香廣庭張鈞天玉醴一作醴洽中座霞

膏一作膏充西筵良期無終極俛仰移億年

峻朗妙門闢澄微真鑒通瓊林九霞上金闕三天

中飛蚪躍慶雲翔鶴搏實風鬱披玉京會仙期六

合同

手昇至陽源一作源欲憇明霞館飄飄瓊輪舉睇

金景徹結虛成萬有萬妙處可翫玉山鬱嵯峨琅

海香無岫髮蒼過千春遐齡誰復算

招携紫陽友合晏玉清臺掛景羽衣振滄空雲駕
來靈旂七曜動瓊障九光開鳳舞龍歌奏軒殊
未迴

高昇紫極上宴此宮都岑玉蕊散奇香瓊珂流雅
音靈風生太漠習習吹人襟賦混希微一作廣神
凝空洞深蕭然宇宙外自得乾坤心

予招三清友迴出九天上挽執絕漠中差池還相
望太空含常明八外無隱障鸞鳳有逸翮冷然逸
飄飄寥々唯玄虛至樂在神玉

縱身太霞上眇々虛中浮八威光啟行五老同我

游靈源何灼々祥風正寥々簫歌振長空逸響清
且柔遨嬉無近賞顧眄皆真傳不疾而有速萬夫
俄已周

遂視太初先与道冥至一空洞澹真精乃為虛中
寔變通有常性合散無定質不行迅飛電隱曜究
白日玄棲忘玄深無得固無失

步虛詞十首

衆仙仰靈範肅駕朝神采金景相照曜逶迤昇太
空七玄已高飛火鍊生朱宮餘慶逮天壤平和三
道融八威清游氣十絕舞祥風使我躋陽源一作

其來自陰功逍遙太霞上真鑒靡不通

逸轡登紫清乘光邁奔電閭風隔三尺俯視猶可

見三闈

一作闔

標敞朗瓊林鬱葱禧自非挺金骨焉

得諧夙願真朗何森々合景恣游晏良會忘淹留

千齡絕一眄

三宮發明景朗照同壽儀紛然馳颺歛上采空清

凝令我洞金色後天耀瓊姿心叶太虛靜寥々竟

何思玄中有至樂淡泊終無為但與正真友飄飄

散

一作從遨嬉

稟化凝正氣鍊形為真仙忘心符元宗返本叶自

然帝乙

一作集

絳宮流光出丹玄元英與桃君朗

咏長生篇六府煥明霞百閤

一作閤

羅紫烟颺車涉

寥廓靡日東景遷不覺路

遠斯須遊萬天

扶桑誕初景羽蓋凌晨霞倏歛造西域嬉游金母

家碧津湛洪源灼燦敷荷花煌煌青琳宮瓊列

玉華真氣溢絳府自狀思無邪俯矜區中士天濁

良可嗟

瓊臺揭萬仞孤映大羅表常有三素雲凝光自飛

遠羽童泛明霞升降何縹緲鸞鳳嘯

一作吐

雅音栖

翔絳林杪

一作標

玉虛無晝夜靈景何皎皎一覩太

上京方知衆天小

灼々青華林靈風振瓊柯三光無冬春一氣清且

和迴首迎結靈傾眸親曜羅豁^後制六天流鈴威百

魔綿々慶王極誰謂椿齡多

高清真修靡遇物生華光至樂無蕭歌玉音自琳

琅或登明真臺宴此羽景堂香靄結寶雲靡微靈

音夫^{一作天}誠遐曠吹蒸不可量

爰從太微上肆覲虛皇尊騰我八景輿成遲入天

門既登玉晨庭肅々仰紫軒敢問龍漢末如何闢

乾坤怡然報雲璈告我希夷言幸聞至精理方見

造化源

造化源
二氣播萬有化机無停輪而我拯其端乃能出陶
鈞寥々太漠上所遺皆清真澄瑩舍元和氣同自
相親絳樹結丹寔紫霞流碧津以茲願一作保童嬰
永用超形神

覽古十四首

聖人

重開周一

14

濟明道欲救時孔席不暇暖墨突

何嘗緇與言振綱綱將以有所維焉臣竊一

惑風俗日凋喪三代業遽隕七雄邊交馳鼎物墜

塗炭區中若紛絲秦皇燦儒術方冊靡子遺大漢

歷五葉斯文溲染推乃驗徑籍道世同屯夷池
張固天意設教安能持

興亡道之連否泰理所全奈何淳古風既往不復
旋三皇已散樸五帝和尚賢王業垂霸功淨偽日
以宣忠誠及狙詐教混安可甄餘智入九霄守愚
淪重泉永懷漢居時感涕徒泫然

棟宇代業穴其來自三皇臨生固為累經始增百
王瑤臺既滅夏瓊室復頽商覆車世不悟秦民與
阿房繼踵迷反正漢家崇建章力役靡萬人環奇
殫八方徇老仍未極促齡已云亡修靡竟何在荆

林生廟堂

閑居覽前載惻彼商周秦所殘必忠良所室皆兒
舊晚諷方自聖不悟禍滅身箕子作周輔孫通為
漢臣洪範及禮儀後王用經綸

吾觀衆卷什復感青蛇詩謙倭亂忠孝古今同所
悲姦邪起諧害骨肉相殘夷漢儲殞江亢晉嗣滅
駟姬天性猶可間君臣固其宜子胥烹吳鼎文種
斷越鉞屈原沉湘流厥賊咸自昭何不若范蠡扁
舂無還期

嘗稽真仙道清寂祛衆煩秦皇及漢武焉得濟其

藩情擾萬機，肩位驕四海。尊既歆先宇，宙仍覩後
乾坤。崇高與久遠，物莫能兩存。矧乃恣所慾，荒淫
伐靈根。金膏時延期，玉色復動魂。征戰窮外域，殺
傷被中原。天鑒諒難誣，神理不可諉。安期迂蓬萊，
王母還崑侖。異術莫告悲哉，竟何言。

魯戾所正術，尼父從弃捐。漢主思英雄，賈生被排
遷。始皇重韓子，及親乃不然。漢武喜一作歆相如，既

徵復忘賢貴。遠世咸爾賤，今理共然方。知古來主

一作士難以效當年

食其昔，未偶落魄為狂生。一朝君臣契，雄辨何縱

橫運籌康漢業憑軾下齊城既以智所遠還為智
所烹豈若終貧賤酣歌本無營

晁錯抱遠策為君納良規削彼諸侯植永用得所
宜姦臣負舊隙乘釁謀相危世主竟不辨身戮宗
且夷漢景稱欽明濫罰猶如斯比干與龍逢殘害
何足悲

絳侯成大績賞厚位仍尊一朝對獄吏榮辱安可
論蘇生佩六印奕奕為殃源主父食五鼎昭昭成
禍根李斯佐二辟臣釁鍾其門霍孟翼三后伊威
及後昆天人忌盈滿茲理固永存方知得意者何

必乘朱輪滅景栖

一作棲

遠空弦歌對清樽二疏返

海濱蔣訓歸林園瀟灑去物累生謀誠足教

至人順通塞委命固無疵吾現太史公可謂識道
規歸滯焉足憤感懷殄生涯吾歎龔夫子秉義確
不移晦跡一何晚天年天當時薰膏自銷鑠楚老
空餘悲

達者貴量力至人尚知能京房洞幽贊神與成發
揮如何嫉元惡不悟禍所歸謀物闇謀已誰言爾
精微

玄元明知止大雅尚保躬茂先洽聞者幽蹟咸該

通弱年賦鶴鶴可謂達芥蒙晚節希鸞鶴長飛戾
曾宵知進不知退遂令其道劣伊昔辨福初胡為
逢禍終方驗嘉遁客永貞天壤同

聖人重大訓與象不苟設天道殃頑兇神明佑一
祐懿哲斯言猶影響安浮復回火鯨艘誕英唐
虞育裔孽盜跖何延期顏生乃短折魯隱金克讓
禍机遂潛結楚穆肆巨逆福柄奚赫烈田常弑其
主祚國久固缺管仲存霸功世祀成詭說漢氏方
版蕩羣閭忠和肅蹇陳蕃徒攷抗忠節誓期
匡宇靜爰使光醜絕謀協事靡從俄而反誅臧古

來若茲類紛擾難盡列道遐理微誰為我昭晰
吾將詢上帝寥廓詎躋轍已矣勿用言忌懷庶自
悅

唐籤二道士詩之二

吳簡

唐書統籤卷二九百十

五言古詩二

高士詠

有序

為者稱高士詠之有道或出或處或默或語蓋出而語者所以佐時致利物豈獨善其自而己哉夫一子故雖無言亦裁于利物豈獨善其自而己哉夫一子故曰隱居以求志也行象以同惡其道所謂百慮一子故致殊途同歸者也夫好惡同惡其道所謂百慮一子故弱洋竊尚真隱遠覽先寔怡我心雖不見古之人而餘風可仰是則師友之徒嘉遜之咏乎故企慕之不足則師友之徒嘉遜之咏乎故即樂我貧于是乎在昔高先生望南諶用其可美而著焉于傳梁伯鸞有高士頌焉今洪士嘆名各一時之紀故太初元皇帝終于陶微君舉其絕倫明其標的焉為混元皇帝終于陶微

混元皇帝

玄化九仙主道冠三氣初應物方佐命棲真必歸
居昭篇訓終古駕景還太虛孔父嘆猶龍誰能知
所如

廣成子

廣成卧雲岫極邀逾千齡軒轅來順風問道修神
形至言發玄理告以從簡冥三光入無窮寂默返
太寧

許先生

大名賢所尚至位聖所珍皎々許仲武遺之若緘

塵奔瓢箕山下洗耳穎水滄物外兩扉冥拙与玄
冥均

樊先生

策父老何遠潛精人莫知恥聞讓王事飲犢方見
移不欲散太朴焉能為先師煉真自輕舉浮世何
足遺

相成子高

大禹受禪讓子高辭諸侯選躬適外野放浪夫何
求萬衆造中輟一言良見酬俛々耕不顧斯情邈
唯倚

臧丈人

臧叟隱中壑垂綸心浩然文王威昔夢授政道斯
全一遵無為術三載淳化宣功成遂不處遁昭符
冲玄

伯夷稱齊

夷齊互崇讓齊國從所欽聿來及宋周乃渡非其
心世濁不可處冰清有陽岑采薇咏義舉高義越
古今

南華真人

南華源道宗玄遠放不測動与造化游靜合太和

息放曠生死外逍遙神明域况乃資丸丹輕舉歸
太極

冲虛真人

冲虛冥至理体道自玄通不受子陽祿但飲壺丘
露冷然光何依挽挑游太空未知風乘我為是我
乘風

洞靈真人

亢倉致虛極潜默依遠岫智去愚独留日虧歲万
就鄉人謀尸祝不欲聞俎豆尚賢非至理竟舜固
為陋

通玄真人

通玄貴陰德利物非市朝悠然大江上散髮揮輕
纓已陳緇帷說復表滄浪謠賦竟何往遺文獨
昭

文始真人

文始通道深含光隱閑吏遙欣紫氣浮果驗真人
至玄誥已云錫世榮何足累高步三清境超登九
仙位

榮啟期

榮期信知止帶索無所求外物非我尚琴歌自優

游三樂通至道一言醉孔丘居常以待終嘯傲夫何憂

長沮桀溺

賢哉彼沮溺避世全其真孔父棲々者征途方問津行藏既異跡語默豈同倫耦耕長林下甘與鳥雀羣

顏闔

世情矜寵譽傲節微當時顏闔遵無名飯牛聊自怡逃聘鄒東帛鑿環欣茅茨託聘荒塵表放浪世

莫知

卷九

百十二

四

老萊夫妻

萊氏道已遠
懿妻德弥清
一適驚煩起
永契雲壑
情祿位非
所重拂衣
遂避征
有然從我
願豈為物
所櫻

楚狂接輿夫妻

接輿耽冲玄
伉儷必真逸
傲然辭徵聘
耕績代祿
秩鳳歌識文
宣龍德遂隱
畧一游峨嵋
上干載保
靈琳

鄭商人弦高

卓哉弦高子
商隱獨標
奇効謀金
鄭國矯命
犒秦

師賞伸義不受存公臧其私虚心貴無名遠跡居
九夷

柳下惠

展禽抱純粹滅跡和光塵高情遺軒冕降志救世
人百行既無點三黜適跡真信謂德超古豈唯言
中倫

荷篠晨門

荷篠隱耕藝晨門潛抱閑道尊名可賤理愜心跡
閑混迹是非域縱橫天地間同訊孔宣父匿景耆
不還

漢陰丈人

野哉漢陰叟好古遂亡机
抱甕誠名勤守朴全道
微子貢初不達聽言識其非
已為風波人悅悵失
可依

於陵夫妻

皎々於陵子已賢妻亦明
安茲道德重顧彼浮華
輕琴書方為務祿位不可榮
逃終灌園誰能違
世情

太項橐

太項冥虛極微遠不可究
稟量合太初返形寄童

幼孔父慚至理顏氏賴真授泛然同萬流無跡世
莫覩

太伯延陵

太伯金至讓遠投蜚夷間延陵嗣高風去國不復
還尊榮比蟬翼遁義伴崇山玄規每峻節歷世無
能板

壺丘子

壺丘道為量玄虛固誰知李咸曜洩術禦寇初溪
穀聖人忘禍福感變靡定期太冲有無朕元化誰
能知

跋于木

于木布衣者守道杜衡門德光象且富肯易三侯
尊魏主欽其賢軾庠情亦敦泰丘遂不舉高卧焉
國藩

魯仲連

仲連秉奇節釋難舍道情一言却秦圍片札降聊
城辭金象何遠讓褊心益清處世功已立拂衣蹈
滄溟

顏歊

高哉彼顏歊逸氣陵齊宜道尊象不屈士重王來

前榮祿安可誘保和從自然放情任所尚長揖歸
山泉

周豐

周豐貴隱耀靜默尊無名魯侯詢政休喻以治道
精莊人在忠懇疑叛由會盟一言達至義千載良
為程

師金

聖人貴素朴礼義非玄同師金告顏生可謂達化
樂夫子飾芻狗自然通斯穷應物方矯行俯仰靡
不通

南郭子恭

子恭方隱几冥寐久灰心悟來應願游清篆香何
溪舍響盡天籟有言同轂音是非不足辨安用勞
神襟

黔婁先生

黔婁猛雅搢守約遺代華淡然常有怡与物固無
瑕哲妻配明德既沒辨正邪辭禄乃餘貴表謚良
可嘉

原憲

原生何淡淡現妙自怡性蓬戶常晏如絃歌樂天

命無財方是貧有道固非病水賜欵高風退慚車
馬盛

商山四皓

萬方厭秦德戰伐何紛々四皓同無為丘中卧白
雲自漢成帝業一來望儲君知覺道可尚隱括成
元勲

河上公

邀々河上叟無名契虛冲靈閑暢言旨萬乘趨道
風寵辱不可累飄然在雲空獨身造化友誰能測
無窮

東方曼倩

東方稟易象說世隱廊廟棲心抱清微混迹秘光
耀玄覽寄教術納規在談笑賣藥五湖中還從九
仙妙

嚴君平

漢皇舉遺逸多士咸已寧至德不可拔嚴君獨湛
冥卜筮訓流俗指歸暢玄經閑閑動元象何必游
紫庭

司馬季主

季主超常倫沉跡寄卜筮采賈二大夫停車試覲

整高談西朝列洪辨不可際終秉鸞鳳心修然已
遐逝

鄭子真張仲尉

子真巖石下仲尉蓬蒿居礼聘終不屈清貧長晏
如志情在耕藝養壽資玄虛至樂非外物道冥歟
有餘

嚴子陵

漢皇敦故友物色訪茂生三聘造潏澤一束過帝
庭紫宸同御暇玄象驗客星祿位終不屈雲山樂
躬耕

向子平

子平好真隱清淨翫老易深玄樂無爲現象驗損益常抱方外心且紆人聞知一朝畢婚娶五嶽遂長遊

韓鹿

伯休抱遐心隱括自爲美賣藥不二價有名迹深耻安能受玄纁秉願終素履逃遁從所尚蕭々絕塵軌

臺佟管寧

吾嘉臺孝威樂道隱巖穴吾尚管幼安棲真芥高

節操藥聊自給觀書任所悅風塵不可混真素比
霜雪

高風

吾觀時人起矯跡務馳聲独有高文通訟田求醫
名公車徒見累爵祿非所縈隱身樂漢釣世網不
可櫻

龐德公

龐公棲鹿門絕跡遠城市超然風塵外自得丘壑
美耕鑿勤厥躬耘鋤課妻子保茲永無患軒冕何
足紀

玄晏先生

士安通弱冠落魄未修飾一朝因感激志學忘寢
食著書窮天人辭聘守玄默薄莖信昭儉可為將
求則

孫公和

孫登好淳古并服徒穴居彈琴合天和讀易見象
初終日無愠色恬然在玄虛昭言戒非夜超然安
所如

董威輦

董京依白社散髮咏玄風心出區宇外照秦城市

中驚塵不能雜名位安可籠隱影留雅什精微信
難窮

郭文舉

郭生在重雅已得方外心絕跡遺世務棲真入長
林元和感異類猛獸懷德音不懷固無情斯言微
且深

陶徵君

吾重陶淵明達生知止足怡情在樽酒此外無所
欲彭澤非我榮折腰信為辱歸來北窗下復採東
籬菊

虞籤二道士詩之三

吳筠集三

唐書統籤卷三

九百十

五言古詩三

苦霖霖作寄友

應龍遷南方
霖雨備江干
俯望失平陸
仰瞻隱崇
垂陰風歛
暄氣殘
月淒已寒
時鳥戢好音
衆芳
微殘萬流注
江湖日夜增
波瀾歎君曠
不接情
無再欢
对酒聊自娛
援琴為誰彈
為愁霖引曲
罷仍永歎
此歎因感物
誰能識其端
寫懷寄同心
詞極意未殫

舟中夜行

榜人識江路挂席後宵征
英辨洲渚狀但聞風波
驚陰雲正靄靄落月無
光晶瑩不畏艱險所憑在
忠誠何時達遙夜佇見初日明

同劉主簿承介建昌江汎舟作

吾友從吏隱和光心杳然
鳴琴正多暇嘯侶浮清
川風霽遠澄映昭々涵洞天
坐驚衆峰轉乃覺孤
舟遷崖岫非一狀差池適
目前徘徊白日麗月色
江中鮮真與殊未已溜々
且沂泓時歌滄浪曲或
誦逍遙篇酣暢達夜久遲々
方告旋時無相與
其旨在意矣

登北固山望海

北山鎮京口一作通出滄海湄躋覽何可見茫茫

潮汐地雲生蓬萊日出扶桑枝萬里混一色焉
能分兩像願言策烟駕縹緲尋丹期揮手謝人境
吾將從此辭

登廬山東華峴九江合彭蠡湖

百川滙彭蠡秋水方浩々九派混東流朝宗合天
沼寫心陟雲峰縱目還標嶽宛轉衆浦分差池澤
山繞江妃弄明霞彷彿呈窈窕而我臨長風飄然
欲騰矯背懷滄州與斯志果已紹焉得忘親人相

從洽魚鳥

游廬山五老峰

藟蘘隱翠滄波照芙蓉日初金光滿景諸黛色
濃雲外聽猿鳥烟中見杉松自然符幽情潇洒
所從整策務探討嬉游任從容玉骨正滴瀝瑤草
多茸茸羽人栖層崖道合乃一逢揮手欲輕舉為
余扣瓊鐘空香清人心正氣信有宗永用謝物累
吾將乘鸞龍

湘州望南岳

重波淪且直連山斜復紛鳥飛不復見風聲猶可

開牖、樹裏月飄、水上雲長、安遠如此、無緣得
報君

建業懷古

矣精既失御宇內為三分吳王霸荆越建都長安
濱爰資股肱力以靜淮海魏后欲濟師臨流遽
旋軍豈惟限天塹所忌在有人惜哉歸命侯淫虐
敗前勲衝壁入洛陽委躬為晉臣無何覆宗社為
爾含悲辛俄及永嘉末中原塞胡塵五馬浮渡江
一龍躍天津時成大業寔賴賢措仲關王雖未
遠規模亦振、謝公佐王室仗節掃偽添蕭誰為

吳兵屢用之在有倫在苒宋齊末斯須變梁陳綿
歷已六代無亡互紛綸在德不在險戒敗良有司
蒿堞覆于隍廣殿摧于榛王風久泯滅勝氣猶氤
氲皇家一區域玄化通無垠常言宇宙春忽遘雲
雷屯極目梁宋郊茫々晦妖氛安得倚天劍斷茲
橫海鱗徘徊江山暮感激爲誰申

緱山廟

朝吾自嵩山驅駕遵洛汭逶遲輾轅側仰望緱山
際王子謝時人笙歌出寶帝仙材夙所稟寶住焉
足繫焉迫升霄期闕沅蒼生惠高蹤邈千載遺廟

今一請肅、生風雲森、列松桂大君弘至道層
構何壯麗稽首環金壇焚香陟瑤砌伊予超浮俗
塵慮久已閑沉澹清肅心蕭然叶真契

經軍角哀墓作

祇石出江國路傷旌古墳伯桃墓角哀墓近荆將
軍神道不相得松栢解其紛幽明信誰知勝負理
莫分長呼遂別頸此節古未聞兩賢結情愛骨肉
何足云感子初併糧我心正氣氣遶迴駐征騎不
覺空林曛

酬葉縣劉明府避地庐山言懷貽鄧錄事昆

季尚尊師兼見贈之作

明哲良罕遇。君輒思齊挺生著天爵。自可析人
珪。河洛初沸騰。方期掃虹霓。時命竟未合。安能親
鼓鼙。從此罷飛翬。投簪辭割雞。驅車適南土。悲孝
兩不暎。方嶽鎮江介於焉。惟林棲入門。被綠服。出
谷秋紅蓼。隱舍舊閭里。而今渡成嶺。郭公解簪紱。
華萼曜松谿。賢哉尚徵君。滅跡為圓畦。碩已誠非
薄。森茲忘筌蹄。相欢對綠樽。逸思凌丹梯。道泰我
長往。時清君勿迷。王孫且無歸。芳州正萸。

舟中遇柳伯存歸潛山因有決贈二首

洗風久成俗真隱不可求何悟非所冀得君在扁
舟目擊道已存一笑遂忘言况現絕交書兼覩箴
隱文

見君浩然心視世如浮空君歸潛山曲我復房山
中形閒心不隔誰能嗟異同他日或相訪無辭駁
冷風

晚到湖口見庐山作呈諸故人

夜舟達湖口漸近廬山側高標橫天隱何峻
極石鏡啟晨暉鉅烟凝寒色旅泊將休暇歸心已
濟陟虛名久為累使我辭逸域良願適不違幽襟

果茲得故人在雲嶠乃復同晏息鴻飛入青冥

氏辭贈弋

過天門山懷友人

舉帆遇風勁逸勢如飛奔縹緲凌烟波崩騰走川
原兩山夾滄江豁爾開天門湏臾輕舟遠想象孤
屿存歸路日已近怡然慰心魂所經多奇趣待與
吾友論一日如三秋相思意彌敦

題龔山人草堂

世人員一羨未肯甘陸沈獨抱匡濟器能懷真隱
心結庐近城郭及到雲水潏減弘慕穎陽忘机同

漢陰敲戶面白水憑軒對蒼岑但歌攷樂詩不學
梁父吟茲通我所通感君齋素襟勗我樊夫子勿
使荒塵侵

聽尹鍊師彈琴

至樂本太一曲琴和乾坤韶声久乱雅此道稀能
尊吾見尹仙翁伯牙今復存衆人棄其流夫子達
其源在山峻峰峙在水洪濤奔都忘迎城闕但覺
清心魂代之識微者此音誰與論

五言絕

題縉雲嶺永望館

人驚中路險我愛山前暖
猶恐佳趣盡欲行且沈吟

題華山人所居

故人生南郭邀我對芳樽
歡暢日云暮不知城市喧

別章叟

平昔同邑里經年不相思
今日成遠別相對心淒其

庚籤二道士詩之四十二人唐音統籤卷四九百十

司馬承禎字子微河內人好學工篆隸居天台紫

王屋山卒贈真一先生睿宗累召見問道術後勅居
贈詩者三百餘人彥伯編為白雲記今亡玄宗名

荅宋之問

時既暮兮鄴欲春山林寂兮懷幽人登奇峰兮望

白雲悵緬邈兮衆欲紛白雲悠々去不返寒風颼

颼吹日晚不見其人誰與言歸坐彈琴思逾遠

司馬退之盛唐羽士

洗心

不踐名利道始覺塵土腥不味稻粱食始覺精神

一作清羅浮奔走外日月無短明山瘦松石勁鶴

老飛更輕逍遙此中客翠髮皆長生草木多古色

雞犬無新聲君有出俗志不貪英雄名傲然脫冠

帶改換人間情去矣丹霄路向晚雲冥冥

張蘊一名蘊字藏真晉州人神情秀逸脩閑學道

號洪崖子天后及玄宗朝屢召不赴必有言冥居豫章西山者

醉吟三首

去歲無田種今春乏酒材從他花鳥笑佯醉卧樓

臺

下調無人睬高心又被嗔不知時俗意教我若為

人

入市非求利過朝不為名有時隨俗物相伴且營

營

雲表

崑山現生見孟浩然集
失其姓以為僧者誤

寒食

寒食悲看郭外春野田無處不傷神平原壘下添

新塚半是去年來哭人

陳寡言

字太初鹽陽人從田良逸學道元和中住
桐柏山科法清嚴居常以琴酒咏自詠適

山居

照水冰如鑑掃雪玉為塵何須問今古便是上皇

人

醉卧茅堂不閉關
覺來開眼見青山
松花落處宿猿在
麋鹿羣中林際還

臨化示弟子

我本無形暫有形
偶來人世逐營營
輪迴債負今

還畢搔首憐然歸
上清字雲舉江夏人
學鍊氣養形之術
布衣游行

李昇天下与元白
居易年百餘歲卒
元白席上作何不出
仕昇徐吟云一

元白席上作何不出仕
昇徐吟云一作呂

岩遇鍾離先生作王
奔州云為李昇作者是

生在儒家遇太平
懸纓垂帶布衣輕
誰能世路趨

名利臣事玉皇歸上清

范亮佐

元和道士

同王僕射送白樂天東都賦一言至七言得

書字

書憑雁寄魚出屋入匡庐文生益智道著清虛

萬洪一萬卷惠子五車餘銀鈎屈曲索請題橋司

馬相如別後英發千里信數封緘送到閑居起見集

軒轅強明元和中有石鼎聯句或云桂川即愈所托前入愈集

二軍謁廟詩何宋錫石在今別學中愈有強明初嘗

游桂後游胡湘正衡寂自開元至元和和子侯列聯

句時殆有餘歲矣百十四

謁堯帝廟

祖龍開國畫遊荒廟建唐堯鎮此邦山蒼白雲朝

帝座林疎紅日列仙幢魏、聖蹟陵松喬蕩、恩

波冷桂江瞻仰威靈共回首紫霞深處鎖軒窗

徐靈府自号默希子鐵塘人居天台虎頭巖上以

山記三洞要畧

言志獻浙東盧訪辭召

野性歌三樂皇恩出九重那煩紫宸命遠下白雲

峰多愧書傳鶴淚慚紙盡龍將何佐明主甘老在

巖松

自詠

寂：凝神太極初無心應物等空虛性修自性非
求得欲識真人祇是渠

學道全真在此生何須待死更求生今生不了無

生理從復生知那處生一作吟

吳子來大中末

留現中詩二首雲笈七籤云子來王成都雙
流縣無唐現中氣養絕粒時二

名飲酒他無可營一日自寫其真并詩二
章當道現中道士費字真去

終日草堂閑清風常往還耳無塵事擾心有玩雲

閑對酒唯思月餐松不厭山時吟內景自合駐

童顏

此生此物當生涯白石青松便是家對月卧雲如

野鹿時時買酒醉烟霞

司馬都咸通中與皮陸倡和吳中撫言云都居

市焦經軍馬所沒都趨府謂王公偶見中人問之

其人鬚髭脫光輝怒欲自投于井都徐曰何至如是

足下王公知之髭髯色斯舉矣望于枯木千尋之玉甃井

有人焉王公知之髭髯色斯舉矣望于枯木千尋之玉甃井

舉和陸魯望白菊

耻共金英一例開素芳須得早芳催逸籬看見成

瑤圃汎酒初迷傍玉盃映水好將蘋作伴犯寒疑
與雪為媒夫君海內風流事應為徐妃致此裁

送羊振文光輦桂陽歸觀

此去歡榮冠士林
離情休恨酒杯深
雲梯萬仞初
高步月桂餘香尚滿襟
鳴棹曉衝蒼靄落帆寒
動白華吟
君家祖德唯清苦
却笑當時問絹心

虞有賢

唐末道士

送卧雲道士

宋范公稱過庭錄云其家有藏本

卧雲道士來相辭
相辭倏忽何所之
紫閣春深烟
靄東風花柳折枝
藥成酒熟有時節
寒食恐失松間期
冥鴻一見傷弓翼
高飛展轉心無疑
滿酌數盃酒
狂吟幾首詩
留不住去不悲
醺難解

安得知

程紫霄

唐末道士後唐同光初
嘗勅令入內殿講論

示

守庚申衆

避暑籍云道家言身中有三尸
示守庚申衆

道者是日不腫謂守庚申唐末朝士會終
南太極觀守庚申紫霄策曰此吾師托是

以俱為惡者爾被床來枕
作詩示衆投筆鼻息如雷

守庚申

示衆投筆鼻息如雷
不疑此心常耳道相依玉皇已自知

行止任汝

三壺說是非
松山黃冠師

舒道紀

婺州人為赤松山黃冠師
自号華陰子耳头休友善

蘭溪靈瑞觀

澄心坐清境虛白生林端
夜靜笑聲出月明松影

寒絳霞封藥灶碧竇泚齋壇海樹几回老先生暮
未殘

題赤松宮

在今蘭谿縣之赤松山
王初平公稱赤松子

松老赤松原松間廟宛然人皆有兄弟誰得其神
仙雙鶴冲天去羣羊化石眠至今丹井水香滿北

山邊

彭曉

字秀川号真一子永康人昌利化飛鶴山道
士也孟蜀授朝散郎守祠部尚書

參同契

明鏡圖訣詩二首

伯其家為明鏡圖

列八環而符動靜明二象
以定陰陽為訣二篇云

造化潛施弘莫窮簇成真訣指蒙童三篇秘列八

環內萬象門開一鏡中
離女駕龍馬水燭坎男乘
虎作金翁同人好道宜精究
得長生路便通
至道希夷妙且深
燒丹先認大還心
日久陰陽生
真汞月卦陽奇產
三金女姪朱砂男
孕雪北藏
汞內含壬兩端
指得鉛金祖
莫向諸般取
次尋

庚籤二道士詩之五

鄭一

唐音阮籤卷五

九百十

鄭邀字雲叟滑州白馬人少好學敏于文辭昭宗
時舉進士第棄妻入少室山為道士後徙居華陰
種田自給與道士李道殷羅隱之友善世目以三
高士節度使劉遂凝教遺之不受唐明宗以左拾
遺晉高祖以諫議大夫召皆不起賜号逍遙先生
天福中卒詩一卷唐志三卷宋志擬峯集二卷世
云鄭徵君詩皆去淫靡迴絕鴛塵歐陽修五代
史傳云邀好飲酒奕碁時為詩章落人間人聞
多寫以練素相贈遺至或圖其
形玩于屋壁其迹雖遠名愈彰

山居

問見有人尋移庵更入溪
落花流澗水明月照松
林醉功頭陀酒閒教孺子吟
身同雲外鶴斷得世
塵侵

冥心棲太室散髮浸流泉
採栢時逢麝看雲忽見
山夏狂衝雨戲春醉戴花眠
絕頂登雲望東都一
點烟

不求朝野知卧見歲華移
採藥歸侵夜聽松飯過
時倚竿尋水釣背局上
品碁
除
廟
人
來
說
中
原
正
流
離

茶詩

嫩牙香且靈吾謂草中英夜白和烟搗寒炉對雪
其惟曼碧粉散常見綠花生最是堪珍重能令睡
思清

哭張道古

昭宗時道古官拾遺以直諫改蜀
中王建開國喪姓名賣卜不受偽

命遇害死雲史在
華聞而以詩哭之

曾諫章既忤昭皇模落西南事可傷豈使諫臣終
屈辱直親天道惡忠良生前賣卜居三蜀死後馳
名遍大唐誰是後來修史者言君力死正顏綱

富貴曲

美人梳洗時滿頭珠翠豈知兩片雲戴却數鄉

稅

傷農

一粒紅稻飯
几滴牛領血
珊瑚枝下人
啣瓦吐不歇

咏西施

素面已云妖
更著花鈿飾
臉橫一寸波
浸破吳王國

思山咏

因賣丹砂下
白雲廬裏
唯惹九緡塵
不如將耳入
山去
萬是非愁殺人

招友人游春

難把長繩繫日烏芳時偷取醉工夫任堆金壁磨
星斗買得花枝不老無

宿洞度

月到君山酒半醒朗吟疑有水仙聽無人識我真
閑事贏得高秋看洞度

題病僧寮

佛前香印麻晨燒金錫當門照寂寥童子不知師
病困報風吹折好芭蕉

題霍山春尊師

老鶴玄猿拜採芝有時長吟獨移時翠娥紅粉渾
如劍殺盡世人不知

偶題

似鶴如雲一個身不憂家國不憂貧擬將枕上日
高睡賣與世間榮貴人

帆力劈一作開一作滄海浪馬蹄踏破亂山青浮名浮
利濃於酒得人心死不醒

景福中作

悶見戈鋌匝四溟恨無奇策救生靈如何飲酒得
長醉直到太平時節醒

題中條道靜觀

侯道華
上昇家

松頂留衣上玉霄永傳異迹在中條不知揖編諸
仙否欲請還丹問昨宵

道華有詩云帖裏大還
丹昨宵謾喫却

與羅隱之聯句

一壺天上有名物兩箇世間無事人遊醉却隱之
雲叟外不知何處是天真

與籤二道士詩之六

杜光庭集一

唐音統籤卷六

九百十

杜光庭字賓聖括蒼人喜讀書工辭章翰墨方牛
見之曰此宗廟中寶玉大主也與鄭雲叟應百篇
舉不中入天名爲道士僖宗召見賜紫衣出入禁
中上表乞游成都隱青城山白雲溪自号東瀛子
王建賜号廣成先生進户部侍郎王衍以爲傳真
天師崇真館大學士卒年八十五人以爲尸解有
廣成集一百卷壺中集三卷宋今存詩篇

初月

始看東上又西浮圓缺何曾得自由照物不能長

似鏡當天多是曲如鉤定無列宿敲爭耀好伴晴

河相映流直使奔波急於箭祇應白盡世人頭

題鶴鳴山

山在大邑縣張道陵昇仙之處

五氣雲龍下太清三天真客已功成人間回首山

川小天上凌雲劍佩輕花擁石壇何年莫草平轍

跡自分明鹿裘高士如相遇不待岩前鶴有聲

題空明洞

台州老要明山在黃義縣南十里洞有洞道家另為大有空明洞天仙

人劉奉控鶴墮翻于地產石無小大有碑皆方正

甯然靈岫五雲深落翻標名振古今芝朮迎風香

馥之松檉蔽日影森々後師祇擬尋司馬訪道終

期謁奉林欲問空明奇勝處地藏方石恰如金

題北平治

在眉川縣山縣王子喬得仙處

桐栢真人曾此居焚香屋下誦靈書朝回時晏三

山客澗盡閒飛五色魚天柱一峰凝碧玉神燈千

點散紅蘂宝芝常在知誰得好駕金磬入太虛

題平蓋治

治在彰山縣北之平蓋山七籤云山下有玉人長一丈三尺昔吳郡

崔勢通于法學通得飛仙

勢壓長江空八陣吳都仙客去修真寒江向晚波

濤急溪洞魚風草木春江上玉人應可見洞中仙

鹿已來馴龍車鳳輦非難遇只要塵心早出塵

題本竹觀

七載云現在彭山治北相傳以爲竹林黃帝所手植者

樓閣層層冠此山
離軒朱檻一躋扳
碑刊古篆龍

蛇動洞接諸天
日月閑帝子影堂香
漢真人丹

澗水潺湲掃空雙竹
今何在只恐投波去不還

題福唐觀二首

在閬中之天目山
仙公修道之處

盤空躡翠到山巔
竹殿雲樓勢逼天
古洞草深微

有路旧碑文
城不知年八州物象通
簷外萬里烟

霞在目前自是人間輕舉地
何須蓬島訪真仙

曾隨雲水出山游行盡層峰
更上樓九日登臨須

有意七年岐路名堪愁
樹紅樹碧高低影
烟淡烟

濃遠近秋暫熱
爐香不須去
佇陪天仗入神州

題仙居觀

往歲真人朝玉皇
四真三代住繁陽
初開九鼎丹
華熱繼璚五雲天
路長烟鎖翠嵐迷
旧隱池凝寒
鏡貯秋光時從白鹿岩
前往應許潛通並死鄉

題鴻都觀

亡吳霸越已功全
溪隱雲林始學仙
駕鶴自飄三
蜀駕波濤犹憶五湖船
淩溪夜月鳴寒玉
衆嶺秋
空歛翠烟也有扁舟
歸去與故鄉東望思悠然

題都慶觀

三仙一一駕紅鸞仙去雲閑遠古壇煉藥旧臺空
處可掛衣喬木兩摧殘清風嶺接猿声近白石溪
涵水影寒二十四峰皆古隱振櫻長往亦何難

題莫公臺

漢文帝時莫將軍也出西南夷歸李仙得道

竒絕觀臺時濁流古來人牙小瀛洲路通霄漢雲
迷晚洞隱魚龍月浸秋峯看摘星河有浪自天圖
畫筆無鈎將軍悟却希夷訣贏得清名萬古香

賀王全公精誠祈雨詩

見松江墨刻

一炷名香連霄冥旋聞風雨應精誠染來山嶽千
重翠洗盡塵埃六合清不獨旱苗蘇隣畝便期嘉

穀通寰瀛頌知至理調元化丞相為霖敷太平

題劍門

見方輿勝覽

誰連乾坤治功鑄為雙劍倚蒼穹題詩曾駐三

天駕礮日長含八海風

題龍鵠山

山在丹稜縣上有觀天室年建

抽得閑身伴瘦筇亂敲青碧喚蛟龍道人掃徑收

松子缺月初懸天柱峰

句

返朴還淳皆至理遺形忘性盡真詮

冷窓雜錄

銅壺

滴禁漏起三十三官爭捲簾

以下錦襦萬花谷稿

斜陽

古岸歸鴉晚紅蓼低沙宿雁愁霜彫曲徑寒蘼

白雁下遙村落照黃再扶日月歸行殿却領山

河鎮夢刀從此雄名壓寰海八溟爭敢起波濤王

建恩威欲寄黃丞相仁信先聞郭細侯八表

順風驚雨露西溟隨劍息波濤手扶北極鴻圖永

雲卷長天聖日高未會漢家青史上韓彭何處有

功勞岳氣此時來世上文星今日到人間降因

天下思姚宋出為儒門繼孔顏靜神凝想仰青

冥此夕長天降瑞星海上昨聞鵬羽翼人間初見

鶴儀刑

終

撰義三宮閣詩之一十五人唐晉統義卷九百十

太宗后長孫氏后長安人隋右驍衛將軍晟之女

文德順聖皇后

春游曲

上苑杏花一作朝日明蘭閨艷女動春情并上新

桃偷面色簷邊嫩柳學身輕花中來去看舞蝶樹

上長短聽啼鶯林下何須遠借問出衆風流口有

名名惠湖州人散騎常侍聖之姑生五月

亮容徐氏名惠湖州人散騎常侍聖之姑生五月

華綺時政一作太宋善之帝前展慕兩疾馬七言詩及

卷九百十七

連珠見老卒贈賢妃

陪筵昭陵石室唐書本傳妃八歲父孝德大驚知不

擬小山篇騷為山小篇云孝德大驚知不

仰幽篁而流盼抗桂枝以凝想將千齡兮中遇荃

何為獨往

長門怨

舊愛相梁臺新寵昭陽殿守分辭芳輦含情泣團

扇一朝歌舞榮風昔詩書賤積恩誠已矣覆水難

秋風函谷應詔

秋風起函谷朔氣動山河
偃松千嶺上雜雨二陵
間低寒愁廣隰落日慘
重關此時飄紫氣應驗真
人還

賦得北方有佳人

由来祢獨立本自稱傾城
柳葉眉間發桃花臉上
生腕搖金釧響步轉玉環
鳴纖腰宜室抹紅衫艷
纖成懸知一顧重別覺舞
腰輕

建太宗

詩傳載云長安葉聖寺有賢妃
建太宗詩太宗曹古妃臨軒久不
至怒之因

建是

朝來臨鏡臺妝罷暫徘徊
千金始一笑一召詎能

來

高宗后武氏

后并州人
武水人
荆州都督士
薨女初

涉文史

母帝偶坐决政帝崩稱皇太后后臨朝尋自

稱皇帝

改國号周在位二十二年後傳中采反

正謚則天

順聖皇后集神龍二年魏元忠等

編次上其詩

文寔多元萬頃崔融華可代焉也

垂拱集一百卷

金輪集六卷宋志今存詩六篇

蚤春夜晏

九春開上節千門敞桓彝蘭燈吐新焰桂魄朗園

輝送酒惟須滿杯不用稀務使霞漿與方秉汎

落歸

同太平公主游九龍潭

山樓遊玉女澗戶對瓊峰巖頂翔雙鳳潭心倒九
龍酒中浮竹葉杯上寫芙蓉故驗山家賞唯有入
松風

送胡真師還西山

真仙
述繼

高人協高志山脈往山家迢々聞風月去々隔烟
霞碧岫窺玄洞玉竈煉丹砂今日星津上延首望
靈槎

從駕幸少林寺觀先妃營建之所倍切兢矜
逾悽遠慕聊題即事用述悲懷

陪登游葉苑侍賞出蘭闥雲掩攢峰蓋霞低棟浪

旂日宮疏澗戶月殿啟炭扉金輪轉金地香閣電
 香衣鐸吟輕吹散幡搖薄霧霏昔過焚芝火山紅
 匝野飛花臺無半影蓮塔有金輝寔賴能仁力攸
 資善逝威慈緣與福緒於此罄飯依風枝不可靜
 泣血竟何追

臘

日宣詔幸上苑

紀事云天授二年臘卿相

所謀也許之尋報有異國乃遣使宣詔云
云於是凌晨名花布苑羣臣咸服異其

明朝游上苑火急報春知
 花須連夜發莫待曉風吹

如意曲

一作如意娘樂苑曰如意娘
商調曲唐則天皇后所作

看朱成碧思紛紛憔悴支離為憶君不信比來長

下淚開箱驗取石榴裙

製袍字賜狄仁傑 狄公家傳

數政術守清勸果顯佐勵相臣

中宗昭容上官氏名婉兒集二十卷 宋志今存詩

三十二篇 有西臺侍御習吏事 中宗即位令專掌制

命深被信任 拜為昭容 常功置昭又學士 或引詞

學之臣賜游宴 賦詩唱和 品第激賞 每代帝及

后長寧 樂二公主 數者並作詞 甚倚 麗時人 或

天久視之 後中宗景龍 誅之際 十數年 間內 峻圖 書

精學為先 大臣以 誦文 為取 每 賦 雅頌 之 盛 與 三

代同同堂惟聖后之好文公云與主之協讀太平
 公主堂共游東壁同宴北渚憫雕館之殘言慈素
 蘭臺之室曲上聞天子求執振之故事有命史臣叙
 容坐床裙下起所奏事一日宿題對事者天后怒
 取小刀割面上不許振昭容遽為乞拔刀子詩得
 免後馬花子
 搗其痕

奉和聖製立春日侍宴內殿出剪綵花應制

寒葉因裁吐新花
 逐剪舒枝條雖不謬
 摘藥詎知
 虛春至由來發秋還
 未肯疎借問桃將李
 相亂欲何如

九月九日上幸慈恩寺登浮圖羣臣上菊花
 壽酒

帝里重陽節香園萬乘來却邪莫入佩獻壽菊傳
杯塔額承天湧門疑待佛開康詞懸日月長得仰
昭回

綵書終一云休毫終

葉下洞度初思君萬里餘露濃香被冷月落錦屏
虛欲奏江南曲賁封薊北書中無別意惟恨久
離居

駕幸三會寺應制景龍二年十月三日

釋子談經處軒臣刻字留故基遺老識殘簡聖皇
一作求駐蹕懷千古開襟望九州四山緣塞合二

水夾城流宸翰陪瞻仰天杯接獻酬太平詞藻盛
長願紀鴻休

駕幸新豐溫泉宮獻詩三首

景龍三年十二月十二日中宗

駕幸新豐溫泉宮敕蒲州刺史徐彦伯入
伏同李士例因与武平一等獻詩昭容久
賦絕句三
首以獻

三冬季月景龍年萬乘觀風出灞川遙看電羅龍
為馬迴瞻霜原玉作田

駕旂掣電拂空迴羽騎驂驂躡景來隱々驪山雲

外傳近々御帳日邊開

翠幕珠幃蔽月營金疊玉等泛蘭英歲々年年常

危蹕長久、樂昇平

游長寧公主流杯池二十五首

省交造第于東都府財裁獨又取西京高
士焦革左金吾街廢營改為宅作三重樓
集山漫池帝及后教臨
幸全昭容賦詩舉臣和

逐仙賞展幽情踰崑閬遙蓬瀛

遊魯館陟秦臺汚山壁愧瓊瑤

標欒竹影颺颺松步不煩鼓吹自足娛情

仰循茅宇俯眇喬枝烟霞間訊風月相知

枝條鬱、文頡頏、山林作伴松桂為隣

清波涵湧碧樹冥蒙莫怪番步同板桂叢

莫論圓嶠休說方壺何如魯館即是仙都
攀藤招逸客偃桂協幽情水中看樹影風裏聽松
聲

携琴待林夜負笥訪安期不應題石壁為記賞山
時

泉石多仙趣巖壑寫奇形欲知堪悅耳惟聽水泠

乙

幾壑恣登臨望目復怡心風篁類長笛流水當鳴

琴

懶步天名路惟登地肺山幽巖仙桂滿今日姿情

攀

暫游仁智所蕭然松桂情寄言棲遯客勿復訪蓬

瀛

瀑溜晴銀雨叢篁畫似春山中真可玩暫請報王

孫

傍池聊試筆倚石旋題詩豫彈山水調終擬待鍾

期

橫鋪豹皮褥側戴鹿胎巾借問何為者山中有逸

人

玉環騰遠矧金埒荷殊榮弗玩珠玕飾仍留仁智

情鑿山便作室憑樹即為楹公輸與班爾從中遂
韜聲

登山一長望正過九春初結駟填街衢閭闔滿邑
居闌雪梅先吐驚風柳未舒直愁斜日落不異酒
樽虛

霽曉氣清和披襟當薜蘿玳瑁凝春色琉璃漾水
波跋石聊長嘯板松乍短歌除非物外者誰就此
經過

暫爾游山第淹留惜未歸水霞一作霞隱明月滿澗予
白雲飛書引藤為架人將薜作衣出真攀桂所臨

晚賞光輝

放曠出烟雲蕭條自不羣
漱流清意府隱几避繁
氛石畫妝苔色風梭織水紋
山室何為貴唯餘蘭桂薰

策杖臨霞岫危步下霜蹊
老逸深山靜遙隨曲澗
迷漸覺心神逸俄看雲霧低
莫怪人題樹祇為賞幽樓

沁水田園先自多
齊城樓觀更無過
倩語張騫莫
辛苦人今從此識天河

參差碧岫聳連花
潺湲綠水瑩金沙
何須遠訪三

山路人今已到九仙家

憑高瞰迥足怡心
蘭閣桃源不暇尋
餘雪依林成

玉樹殘葉點岫即瑤岑

句

勢如連壁友心似
臭蘭人咏後苑
雙額壯

玄宗妃江氏采蘋
梅妃外傳云妃
蕭用人也開元

幸善屬文自比謝
女性喜梅所居
憲植梅上曰其

所好戲名梅妃太
真入侍寵愛日
奪光為楊妃遷

東于上官

謝賜珍珠外傳云
上在花萼樓以珍
珠一斛

度悵然第與合樂
府以新聲

斛珠即此

桂葉渡眉久不描
殘粧和淚濕紅綃
長門盡日無

梳洗何必珍珠慰寂寥

貴妃楊氏太真妃蒲州永樂人姿色冠代善歌舞通音律從壽王邸入宮寵幸無比

幸蜀從死馬嵬

贈張容雪舞雲容妃侍兒善為霓裳舞妃從幸虜嶺宮時暗此詩餘事詳於

子

羅袖動香香不已
紅蕖裊秋烟裊輕雲嶺上乍

搖風嫩柳池邊初拂水

宜芬公主

虛池驛題屏風女史云宜芬公主本豆盧氏女有才色天寶四載奚霫無主安

祿山請立其質子而以公主配之上遣中使護送至虛池駟公主悲愁作詩飛屏風云云至焉其國已立君矣

出嫁辭鄉國由來此別難聖恩愁遠道行路泣相看沙塞容顏盡邊隅粉黛殘妾心何所斷他日望

長安

女學士宋氏若華

貝州宋氏芬之問之裔也生五

並慧善屬文州皆貢素不願嫁若華若昭若文尤淡
高其風操不以妾侍命之呼學士自貞元七年秘
集國籍詔告華總領元和末卒贈河內郡君後穆
宗拜若昭尚宮嗣其秩歷穆敬文三朝皆呼先生宗
進封梁國夫人室曆初卒若憲復代司宮籍文宗
時以祿死倫荀先卒廷
芬男獨愚不可教無成

嘲陸暢

望安公主下降暢為備相才思敏捷應對如流六官大異之暢吳音以詩捷

潮為一作三若昭作

十二層樓倚翠宮鳳鸞相對主梧桐
雙成走報監門衛莫使吳鉞入漢宮

尚宮宋氏若昭

奉和麟德殿百僚應制

垂衣臨八極肅穆四門通
自是無為化非關輔弼功
修文招隱伏尚武殄妖兇
德立韶光被恩沾雨露
濃衣冠陪御燕禮樂盛朝采
萬壽稱觴日千官
信一同

尚宮宋氏若憲

奉和御製麟德殿宴百僚一作若

端拱承休命時清荷聖皇四聰聞受諫五服遠朝

王景媚鸞初轉春苑日正長御筵多濟、盛樂復

鏘、宴鎬誰將敵橫汾未可方願齊山嶽壽福祉

永無疆

開元宮人

袍

中詩本傳詩云開元中賜邊車纈衣製於

詩白帥、進呈玄宗以詩遞示宮中曰作

者勿隱不汝罪也有一宮人自言萬死上

與汝結今生像邊人感泣

沙場征戍客，寒苦若為眠。
戰袍經手作，知落阿誰邊。
蓄意多添線，含情更著綿。
今生看已過，重結後

生緣

天寶末宮人

本事詩云：頌況在洛，乘間與一二詩友游於北中，流水上，得大梧葉上題詩云：『況於上，游亦題葉上，波中後，十餘日。』

有客來苑中尋春，又於葉上得一詩，以示況云。

題葉詩

一入深宮裏，
不見春。
聊題一片葉，
寄與有情

人。
一作：『舊寵悲秋扇，新恩寄早秋。』
附：『紅葉寄將接，
通人。』

附：『况詩。』

愁見鸞啼柳絮飛，
上陽宮女斷腸時。
君恩不繫東

流水葉上題詩寄與誰

又題

一葉題詩出禁城誰人酬和
獨含情自嗟不及波

中葉蕩漾乘春取次行

德宗時宮人侍此不名錄貞元中
莊士積金虛點

許金虛悲想其人不能離溝上
為樹吏所獲金吾

召金虛授金吾衛
兵曹以圖免時之

題花葉詩

一入深宮裡無由得見春
題詩花葉上寄與接流

人

宣宗宮人雲濟友議云
中書舍人盧渥應舉之歲
中箱星于同志及宣宗
不嘆久之曰當時偶題
無不訝焉又小兒見紅
葉有感懷詩係偶撰
紅不謂郎君得之驗其書
跡

詩

流水何太急
深宮盡日閑
殷勤謝紅葉
好去到人
間又北夢瑣言云
襄陽進士李茵遊苑中
見宮中侍書名雲芳
子者識紅葉為其所題
因同
竹諳蜀及錦州逢內
宮田者識紅葉為其所
題因
中令上馬與之前去
李甚悵快其夕宿與
俱歸
芳漢至曰妾已重
略中宮求得其面
有那氣雲芳
哀陽數年李茵
錦州相遇冥已
自言其面有
那氣雲芳
子自陳姓李
茵相遇冥已
自言其面有
那氣雲芳
故來相從
今有何敢
為患于祐
事宮人為
韓氏更多
數
不問附放
有以于祐
事宮人為
韓氏更多
數

詩者載青瑣高議
尤屬偽撰並不取

金鎖詩

玉燭製袍花金刀呵手裁鏤寄千里客鏤心終不
開